

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta:

Broj akta:

Gračanica, . godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 8. Statutarne odluke o organizaciji Grada Gračanica u skladu sa Zakonom o Gradu Gračanica («Službeni glasnik Grada Gračanica», broj: 1/19), Gradsko vijeće Grada Gračanica na sjednici održanoj dana . godine, d o n o s i

O D L U K U
O PRIZNANJIMA GRADA GRAČANICA

Član 1.

Ovom Odlukom utvrđuju se priznanja Grada Gračanica, način i postupak za njihovo dodjeljivanje.

I - VRSTE JAVNIH PRIZNANJA I KRITERIJI ZA DODJELU

Član 2.

(1) Javna priznanja Grada Gračanica su:

A. Javna priznanja koja se dodjeljuju u povodu Dana Grada 02.juna:

1. Zlatna plaketa Grada Gračanica
2. Zlatna značka Grada Gračanica
3. Posebno Gradsko priznanje Počasni građanin Grada Gračanica

B. Javna priznanja koja se dodjeljuju u povodu Dana odbrane Gračanice 25. maja

1. Zlatna plaketa odbrane Gračanice

(2) Priznanja Grada iz stava 1. i 2. ovog člana u svom likovnom i tematskom umjetničkom rješenju obavezno sadrže grb Grada Gračanica sa ispisanim imenom dobitnika priznanja.

(3) Sastavni dio priznanja Grada Gračanica zlatne plakete i zlatne značke je zlatna pločica sa grbom Grada, različite veličine zavisno od priznanja.

ODJELJAK A

1. ZLATNA PLAKETA, ZLATNA ZNAČKA GRADA GRAČANICA

Član 3.

(Subjekti dodjele)

Priznanja Grada ZLATNA PLAKETA dodjeljuje se pravnim licima, a ZLATNA ZNAČKA dodjeljuje se pojedincima, koji rade i djeluju na području grada Gračanica ili koji radeći i djelujući van područja grada Gračanica doprinose prosperitetu Grada.

Član 4.

(Kriteriji za dodjelu)

Priznanja ZLATNA PLAKETA i ZLATNA ZNAČKA se dodjeljuju prema slijedećim kriterijima:

a) PRAVNIM LICIMA koji su:

- ostvarili izuzetne rezultate u poslovanju, u odnosu na prethodnu godinu;
- investirali u proizvodnju, proširili proizvodni kapacitet i uposlili veći broj radnika u odnosu na prethodnu godinu
- postigli značajne rezultate u oblasti privrede, nauke, kulture, sporta, obrazovanja, zdravstva, bezbjednosti, socijalne zaštite, a posebno razvoju i promociji humanitarnog rada i društvene odgovornosti, razvoju komunalne infrastrukture, zaštiti radne i prirodne sredine, razvoju volonterizma, razvoju dobrih međuljudskih odnosa i sličnih oblasti, koje je imalo odraza za razvoj društvene zajednice
- dali izuzetan doprinos u ostvarivanju prava građana;
- doprinijeli poboljšanju uslova rada i života u MZ na području općine Gračanica;
- za postignuti kreativan rad posebno kod djece i omladine;
- dali izuzetan doprinos u otklanjanju elementarnih nepogoda koje eventualno zadese društvenu zajednicu.

Za postignute izuzetne rezultate u oblasti komunalne infrastrukture posebno će se uzeti u obzir ocjene i mišljenje mjesne zajednice

b) pojedincima koji su:

- za inovacije ili za postignuti izuzetan kreativan rad dobili međunarodna priznanja
- učestvovali u spašavanju života, zdravlja i materijalnih dobara od elementarnih nepogoda i drugih nesreća;
- kao donatori humano postupali prema pojedincima ili kolektivima;
- posebno doprinijeli razvoju lokalne samouprave u MZ, općini i poboljšanju uslova života građana;
- uspješno organizovali organe MZ i udruženja, te doprinijeli njihovom radu;
- postigli izuzetne rezultate u oblasti poljoprivredne proizvodnje;
- ostvarili posebne rezultate u sportu, vaspitno-obrazovnom radu, naučnom radu, umjetnosti i kulturi, na međunarodnom, državnom i federalnom nivou;
- dali izuzetan doprinos u drugim područjima života i rada.

Pored kriterija iz ove Odluke predlagači se mogu koristiti i drugim kriterijima o kojima će dati obrazloženje uz prijedlog kandidata za priznanja

Prilikom utvrđivanja prijedloga Odluke Komisija može dati prednost kandidatima koji ispunjavaju više kriterija.

2. POČASNI GRAĐANIN GRADA

Član 5.

(Počasni građanin Grada)

Priznanje Počasni građanin, dodjeljuje se građaninu BiH koji nije istovremeno i građanin Grada Gračanica, ili građaninu druge države koji se svojim angažovanjem zalaže za dobrobit i prosperitet u svim sferama života i koji doprinosi ugledu grada Gračanica.

Član 6.

Komisija može predložiti u toku jedne kalendarske godine najviše:

- dvije zlatne plakete,
- tri zlatne značke,
- dva posebna priznanja Počasni građanin grada Gračanica.

ODJELJAK B ZLATNA PLAKETA ODBRANE GRAČANICE

Član 7.

(Subjekti dodjele)

Zlatna plaketa odbrane Gračanice dodjeljuje se:

- a) fizičkim licima (za života i posthumno) koja su se istakla u odbrani Gračanice i Bosne i Hercegovine, kao i organizaciji života i rada građana u ratnim uvjetima;
- b) kolektivima - ratnim jedinicama i štabovima Oružanih snaga R BiH kao i ostalim javnim službama zaslužnim za organizaciju i pripreme za odbranu, kao i odbrani Gračanice.

Član 8.

(Kriteriji za dodjelu)

(1) Zlatna plaketa odbrane Gračanice za fizička lica dodjeljuje se:

1. pripadniku Oružanih snaga R BiH definisanim članom 2. i 3. Zakona o pravima branilaca i članova njihovih porodica ("Službene novine Federacije BiH", br. 33/2004, 56/2005 - ispr., 44/2005 - odluka US, 70/2007, 9/2010, 95/2013 - odluka US, 90/2017 i 29/2022), koji je imao prebivalište ili boravište na području tadašnje Općine Gračanica, u periodu od 06.04.1992. do 23.12.1996. godine, a koji je stupio u jedinice Oružanih snaga od 18.09.1991. godine do 31.12.1992. godine i ostao neprekidno do 23.12.1995. godine ili je ranije demobiliziran od nadležnog vojnog organa. Izuzetno priznanje se može dodijeliti i pripadnicima Oružanih snaga R BiH koji u toku rata nisu imali prebivalište tadašnje Općine Gračanice, a dali su izuzetan doprinos u razvoju Oružanih snaga na teritoriji Gračanice.
2. Da je kandidat za Plaketu postigao izuzetne rezultate u odbrani prostora Gračanice i države Bosne i Hercegovine.
3. Da je nakon rata angažovan u društvenoj zajednici, gdje je za dobrobit države dao nesebičan doprinos.
4. Da u sredini u kojoj živi djeluje i radi, uživa istinski autoritet

(2) Za svakog kandidata koji se predlaže za priznanje "Zlatna plaketa odbrane Gračanice", potrebno je Komisiji dostaviti dokaz o posjedovanju ratnog priznanja, odlikovanja, nagrade, pohvale i dr. ukoliko ih posjeduje

(3) Komisija će dodatno vrednovati vrijeme provedeno u Oružanim snagama R BiH, kao i invaliditet pripadnika Oružanih snaga, stečen kao posljedica ranjavanja.

Član 9.

U jednoj kalendarskoj godini dodjeljuju se tri Zlatne plakete odbrane Gračanice (2 pojedinačne i 1 kolektivna).

Član 10.

(Zabrana i ograničenja dodjele)

(1) Priznanja Grada Gračanica ne mogu se dodijeliti vijećnicima Gradskog vijeća i članovima Komisije za propise i Statut, izbor i imenovanje, gradska priznanja i obilježavanje značajnih događaja za vrijeme trajanja njihovih mandata.

(2) Gradska priznanja mogu se dodijeliti državnim službenicima i namještenicima zaposlenim u gradskoj upravi samo za doprinos i ostvarene rezultate koje su postigli izvan redovnog obavljanja utvrđenih aktivnosti.

(3) Komisija za propise i Statut, izbor i imenovanje, gradska priznanja i obilježavanje značajnih događaja koja razmatra prijedloge za dodjelu priznanja nema pravo da vrši promjenu predloženog nivoa priznanja u odnosu na dostavljeni prijedlog.

(4) Gradska priznanja ne mogu se dodjeljivati pojedincima koji su krivično osuđivani ili protiv kojih se vodi krivični postupak

(5) Priznanje Grada Gračanice istim pravnim licima i pojedincima gradsko priznanje može biti dodijeljeno jedanput.

Član 11.

(Oduzimanje priznanja)

(1) Priznanja dodijeljena u skladu sa ovom Odlukom mogu se oduzeti.

(2) Priznanja će se oduzeti ako je nosilac priznanja pravosnažnom sudskom presudom osuđen od Međunarodnog suda ili drugog nadležnog suda za ratne zločine.

(3) Priznanja se mogu oduzeti i ako je dobitnik pravosnažnom sudskom presudom osuđen za krivična djela protiv: slobode i prava građana, dostojanstva osobe i morala, imovine pravosuđa, službene i druge odgovorne dužnosti i osnova društvenog uređenja i sigurnosti.

Član 12.

(Način i postupak oduzimanja priznanja)

(1) Oduzimanje priznanja vrši Gradsko vijeće na osnovu prijedloga Komisije za propise i Statut, izbor i imenovanje, gradska priznanja i obilježavanje značajnih događaja i ličnosti.

(2) Inicijativu za oduzimanje priznanja može podnijeti bilo koji pojedinac ili pravno lice uz dokaze o okolnostima iz člana 11. Ove Odluke.

(3) O oduzimanju priznanja Gradsko vijeće donosi posebnu Odluku.

II - POSTUPAK ZA DODJELU PRIZNANJA

Član 13.

(Javni oglas)

(1) Komisija za propise i Statut, izbor i imenovanje, gradska priznanja i obilježavanje značajnih događaja i ličnosti (u daljem tekstu Komisija) dužna je svake godine, a najkasnije do 1 marta tekuće godine objaviti Javni poziv za predlaganje kandidata za dodjelu Priznanja Grada Gračanica i Javni oglas za dodjelu "Zlatne plakete odbrane Gračanice".

(2) Javni pozivi iz stava 1. ovog člana objavljuje se putem sredstava javnog informisanja, web stranici Grada Gračanica i Radio Gračanice, oglasnoj ploči Grada i mjesnih zajednica, kao i na drugi primjeren način kojim će se postići veća obavještenost građana o objavljenom Pozivu.

(3) Javni oglas za dodjelu Zlatne plakete odbrane Gračanice, pored objave u sredstvima javnog informisanja, dostavit će se i koordinaciji boračkih udruženja grada Gračanica.

(4) Javni poziv sadržavati će kriterije za dodjelu, rok i adresu za podnošenje prijedloga.

(5) Krajnji rok za podnošenje prijave – prijedloga za priznanja ne može biti kraći od 15 dana od dana objave Poziva.

Član 14.

(Podnosioci prijedloga)

(1) Prijedloge za dodjelu javnih priznanja mogu podnijeti pojedinci, privredni subjekti, ustanove, mjesne zajednice, udruženja i drugi organizacijski oblici i njihova tijela.

(2) Predlagači iz stava 1. ovog člana, ne mogu podnositi prijedlog za dodjelu javnih priznanja sami za sebe.

Član 15.

(Forma prijedloga)

(1) Prijedlog za dodjelu javnih priznanja mora biti u pismenoj formi sa obrazloženjem u kojem se daju svi relevantni podaci o ispunjavanju kriterija za dodjelu priznanja.

(2) Uz prijedloge za dodjelu javnih priznanja potrebno je priložiti i odgovarajuću dokumentaciju.

(3) Ako prijedlog nije podnesen u skladu sa uslovima sadržanim u Javnom oglasu, neće se uzeti u razmatranje.

Član 16.

(Utvrđivanje prijedloga Odluke)

(1) Komisija je dužna u roku od 15 dana od dana isteka roka za podnošenje prijedloga razmotriti sve pristigle prijedloge i utvrditi prijedlog Odluka za dodjelu priznanja, te isti dostaviti Gradskom vijeću na razmatranje.

(2) Komisija može, uz valjano obrazloženje, predložiti da se, cijeneći utvrđene kriterije, neko od ustanovljenih priznanja ne dodjeljuje

(3) Odluku o dodjeli gradskih priznanja donosi Gradsko vijeće na prijedlog Komisije.

Član 17.

(Uručivanje)

(1) Javna priznanja uručuju predsjedavajući Gradskog vijeća i Gradonačelnik.

(2) Posthumno dodijeljeno javno priznanje uručuje se članovima uže porodice.

(3) Uručenje gradskih priznanja Zlatna plaketa, Zlatna značka i Počasni građanin/ka Grada Gračanica vrši se na Svečanoj sjednici Gradskog vijeća u povodu dana Grada – 2. juna, a Zlatna plaketa odbrane Gračanice na Dan odbrane Gračanice 25. maja.

III - ZAVRŠNE ODREDBE

Član 18.

Gramatička terminologija korištenja muškog roda u ovoj Odluci i Odlukama o dodjeli priznanja donesenim na osnovu ove Odluke, podrazumijeva uključivanje oba roda.

Član 19.

(1) Stručne i administrativno-tehničke poslove u vezi sa dodjelom javnih priznanja obavljat će se u Službi za poslove Gradonačelnika i Gradskog vijeća.

(2) Služba je dužna da vodi evidenciju o dodijeljenim gradskim priznanjima.

Član 20.

Stupanjem na snagu ove Odluke prestaje da važi Odluka o općinskim priznanjima («Službeni glasnik Općine Gračanica», broj: 2/08, 3/11, 03/16 i 03/18).

Član 21.

Odluka stupa na snagu danom objavljivanja u «Službenom glasniku Grada Gračanica».

PREDSJEDAVAJUĆI
GRADSKOG VIJEĆA
Mirzet Topčagić

OBRAZLOŽENJE

PRAVNI OSNOV

Pravni osnov za donošenje Odluke je:

- Član 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) kojim je propisana nadležnost Gradskog vijeća za donošenje odluke o nagradama i priznanjima jedinice lokalne samouprave

RAZLOZI DONOŠENJA

Programom rada Gradskog vijeća za 2023. godinu predviđeno je donošenje Odluke o priznanjima Grada Gračanica.

Nova Odluka o priznanjima treba se donijeti prije svega kako bi se ista prilagodila promjeni statusa Grada Gračanica, iz Općine u Grad.

Takođe, u toku primjene važeće odluke pojavila se potreba za odvajanjem priznanja po osnovu kriterija, te uspostavljanje posebnog priznanja za učešće u odbrani Gračanice.

Kod izrade Odluke uzete su u obzir sve okolnosti i nedoumice koje su se dešavale u toku primjene važeće odluke (kriteriji, prijedlozi, broj priznanja, oduzimanje priznanja i sl.)

OBRAZLOŽENJE PREDLOŽENIH IZMJENA

Članom 1. Nacrta Odluke definisan je predmet Odluke.

Članom 2. Definisan su vrste priznanja Grada Gračanice, pri čemu je ustanovljeno novo priznanje Zlatna plaketa odbrane Gračanice, koje nije bilo u važećoj Odluci.

Članom 3. I 4. definisani su subjekti i kriteriji za dodjelu priznanja zlatna značka i zlatna plaketa. Ponuđenim rješenjem definisanu su jasnije subjekti koji mogu dobiti priznanje gdje je jasno definisano da su subjekti PRAVNA i fizička lica(pojedinaac). U dosadašnjoj praksi pokazala se potreba jasnije definisanja riječi *kolektiv*. Kriteriji za dodjelu ostali su isti kao i ranije obzirom da su bili predmet izmjene Odluke u toku 2018. godine i bili su predmetom javne rasprave.

Članom 5. Odluke definisano je ko može dobiti priznanje Počasni građanin/ka Grada Gračanica gdje je ostavljeno rješenje iz važeće Odluke.

Članom 6. Utvrđen je broj priznanja koja se dodjeljuju u povodu dana Grada koja se mogu dodijeliti u toku jedne kalendarske godine s tim da je definisan maksimalan broj posebnih priznanja Počasni građanin/ka Grada Gračanica

Članom 7. I 8. Odluke definisani su subjekti i kriteriji za dodjelu priznanja Zlatna plaketa odbrane Gračanice, pri čemu je ostavljena mogućnost dodjele priznanja kolektivima (ratnim jedinicama, obzirom da određeni broj tih kolektiva danas nemaju pravni subjektivitet niti pravnog sljednika.

Članom 9. Određen je maksimalan broj priznanja za odbranu u toku jedne kalendarske godine.

Članom 10. Propisane su zabrane i ograničenja prilikom dodjele. Zabrana dodjele Gradskim vijećnicima i članovima Komisije bila je određena i važećom odlukom, ograničenja su ostala takođe ista, samo su definisana ograničenja u pogledu državnih službenika i namještenika.

Članom 11. I 12. Određena je mogućnost donošenja Odluke o oduzimanju priznanja, obzirom da se u dosadašnjoj praksi kod drugih lokalnih zajednica pokazalo da su dobitnici priznanja kasnije postali nedostojni istog.

Članom 13-15. Određena je obaveza objave Javnog poziva za predlaganja kandidata s jasno definisanim rokovima i načinom predlaganja

Članom 16. Definisan je način rada nadležne Komisije i predlaganja Odluke. Značajna novina u odnosu na dosadašnje rješenje je da Komisija odmah predlaže Prijedlog Odluke Gradskom

vijeću. Naime u dosadašnjoj praksi Komisija je predlagala Nacrt odluke koji nije išao u klasičnu javnu raspravu nego je data mogućnost podnošenja primjedbi i sugestija vijećnicima i Klubovima vijećnika što je u suprotnosti s usvojenom Odlukom o javnim raspravama. Naime ukoliko bi se utvrdilo da se prije svega donosi Nacrt, on bi se morao staviti na otvorenu javnu raspravu u kojoj imaju pravo učestvovati svi građani. Opredjeljenje da se odmah predlaže Prijedlog Odluke nalazi se i u činjenici da je donošenjem Nacrta a zatim i Prijedloga odluke dolazilo do nepotrebnog kompromitovanja i licitiranja s predloženim kandidatima za priznanja te se nerijetko dešavalo da pojedinci ne žele da budu predloženi za priznanja. Vijećnicima, klubovima kao i Gradonačelniku i dalje stoji na raspolaganju mogućnost podnošenja amandmana na Odluku ukoliko smatraju da se priznanja trebaju dodijeliti nekom drugom kandidatu.

Ovdje je potrebno i napomenuti da nije određen način predlaganja kandidata od strane Komisije (ostavljen je način donošenja odluke većinom glasova prema Poslovniku). Obzirom da su vijećnici u toku rasprave o Nacrtu i prijedlogu dosadašnjih Odluka najviše primjedbi stavljali upravo na način odlučivanja od strane Komisije smatramo da isto treba biti predmet javne rasprave i eventualnog donošenja drugačijeg rješenja kroz raspravu (npr. Uvođenje bodovanja prema kriterijima i sl)

Članom 17. Određen je način i termin uručivanja priznanja.

U završnim odredbama (članovi 18-21) definisano je da stručne i sadministrativne poslove u vezi dodjele priznanja ovalja Služba za poslove Gradonačelnika i Gradskog vijeća, koja je obavezna i da vodi službenu evidenciju o dodjeljenim prizanjima, prestanak važenja dosadašnje Odluke kao i stupanje na snagu Odluke. Takođe, članom 18. predviđeno je korištenje rodno osjetljivog jezika u Odluci.

Imajući u vidu odredbe Odluke o javnim raspravama predlaže se da da se Nacrt Odluke stavi u javnu raspravu u trajanju od 30 dana, a da javnu raspravu provede Služba za poslove Gradonačelnika i Gradskog vijeća.